



Broj: 07-05-11-40077/21

Sarajevo, 02.11.2021. godine

Na osnovu Zakona o poticaju razvoja male privrede ("Službene novine Kantona Sarajevo", broj 29/15), Budžeta Kantona Sarajevo za 2021. godinu ("Službene novine Kantona Sarajevo", broj 5/21), tačke II podtačka 1.2. redni broj 6. Odluke o usvajanju programa utroška sredstava tekućih i kapitalnih transfera Ministarstva privrede Kantona Sarajevo utvrđenih Budžetom Kantona Sarajevo za 2021. godinu ("Službene novine Kantona Sarajevo", broj 8/21), Odluke o usvajanju Programa utroška sredstava "Poticaj razvoju male privrede" za 2021. godinu, broj: 07-05-15-26230/21 od 28.06.2021. godine i Odluke o usvajanju Izmjena i dopuna Programa utroška sredstava "Poticaj razvoju male privrede" za 2021. godinu, broj: 07-05-15- 26230-1/21 od 02.11.2021. godine, a u skladu sa Pravilnikom o postupcima u provođenju Programa razvoja male privrede ("Službene novine Kantona Sarajevo", broj 20/21), Ministarstvo privrede Kantona Sarajevo objavljuje

## **JAVNI POZIV**

**za odabir korisnika poticajnih sredstava po programima: "Refundiranje troškova tehnološke modernizacije, uvođenja/ obnavljanja standarda kvaliteta i digitalizacije poslovanja" i "Poticaj razvoja ženskog preduzetništva"**

### **I PREDMET POZIVA**

Predmet ovog javnog poziva je dostavljanje prijave subjekata male privrede sa sjedištem u Kantonu Sarajevo u cilju odabira korisnika poticajnih grant sredstava za sljedeće programe:

1. Program: Refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja i
2. Program: Poticaj razvoja ženskog preduzetništva.

### **II OPĆI UVJETI DODJELE POTICAJNIH SREDSTAVA I SUBVENCIJA**

Sredstva Budžeta Kantona Sarajevo namijenjena za realizaciju ovog javnog poziva ne mogu se koristiti kao poticajna sredstva za sljedeće djelatnosti: proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu izuzev prerađivačke djelatnosti, otvaranje kasina i drugih igara na sreću, odnosno poticajna sredstva mogu dobiti subjekti koji obavljaju osnovnu djelatnosti navedenu u tački a) ovog poglavlja (uz propisana ograničenja za odnosne/pojedine djelatnosti u područjima: G, M i N) i ako ispune sve potrebne uslove po odnosnom programu iz ovog javnog poziva. Poticajna sredstva se neće dodijeliti



subjektima male privrede nad kojima je otvoren stečajni ili likvidacioni postupak, te onim subjektima koji su obustavili poslovnu djelatnost.

a) Pravo na dodjelu poticajnih sredstava u skladu sa pojedinim programima iz ovog javnog poziva ostvaruju subjekti male privrede definirani Zakonom o poticaju razvoja male privrede ("Službene novine Kantona Sarajevo", broj: 29/15), a koji u skladu sa obavještenjem Službe za statistiku o razvrstavanju prema klasifikaciji djelatnosti imaju registrovanu osnovnu djelatnost unutar dozvoljenih sljedećih područja prema Klasifikaciji djelatnosti KD BiH 2010 ("Službeni glasnik BiH", broj 47/10):

- U području C Prerađivačka industrija **prema obavještenju Statistike dozvoljene šifre djelatnosti su: (10.11-10.92), (13.10-18.20), (20.11-25.30) i (25.50-33.20);**
- U području E Opskrba vodom, uklanjanje otpadnih voda, gospodarenje otpadom te djelatnosti sanacije okoliša **prema obavještenju Statistike dozvoljene šifre djelatnosti su 38.11-38.32;**
- U području F Građevinarstvo **prema obavještenju Statistike dozvoljene šifre djelatnosti su 41.10-43.99;**
- U području G Trgovina (popravak motornih vozila i motocikala) **prema obavještenju Statistike dozvoljena šifra djelatnosti je 45.20, te subjekti koji prema obavještenju Statistike obavljaju djelatnosti u ovom području, a čije su šifre djelatnosti: 46.31, 46.32, 46.33, 46.34, 46.46, 46.47, 46.51, 46.52, 46.65, 46.73 i 46.74 uz uslov da su ovi subjekti u 2020. godini ostvarili više od 50% prihoda na stranim tržištima;**
- U području I Djelatnosti pružanja smještaja te pripreme i usluživanja hrane (hoteljerstvo i ugostiteljstvo) **prema obavještenju Statistike dozvoljene šifre djelatnosti su: (55.10-56.30);**
- U području J Informacije i komunikacije **prema obavještenju Statistike dozvoljene šifre djelatnosti su: 58.21, 62.01, 62.02, 62.03, 62.09 i 63.11;**
- U području M Stručne, naučne i tehničke djelatnosti **prema obavještenju Statistike dozvoljene šifre djelatnosti su: (69.10-69.20) i 75.00; te subjekti koji prema obavještenju Statistike obavljaju djelatnost u ovom području, a čije su šifre djelatnosti: (73.11, 73.20 i 74.10) uz uslov da su ovi subjekti u 2020. godini ostvarili više od 50% prihoda na stranim tržištima;**
- U području N Administrativne i pomoćne uslužne djelatnosti **prema obavještenju Statistike dozvoljene šifre djelatnosti su: (79.11-79.90); te subjekti koji prema obavještenju Statistike obavljaju djelatnost u ovom području, a čija je šifra djelatnosti: 82.20 uz uslov da su ovi subjekti u 2020. godini ostvarili više od 50% prihoda na stranim tržištima;**
- U području Q Djelatnosti zdravstvene zaštite i socijalne skrbi **prema obavještenju Statistike dozvoljene šifre djelatnosti su: (86.10-88.99); i**
- U području S Ostale uslužne djelatnosti **prema obavještenju Statistike dozvoljene šifre djelatnosti su: (95.11-96.03).**

b) Prednost prilikom izbora korisnika imaju subjekti koji se bave proizvodnom djelatnošću, a posebno izvozno orijentisani subjekti i subjekti koji posluju u strateškim privrednim granama za Kanton Sarajevo.

c) Pravo na poticajna sredstva ne može ostvariti subjekt za kojeg se u postupku obrade prijave utvrdi da po osnovu uvjerenja nadležne porezne uprave i/ili nadležne uprave za indirektno oporezivanje ima dospjelu a neizmirenu obavezu stariju od 60 dana od dana objave odnosnog



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



javnog poziva na koji subjekt podnosi odnosnu prijavu, osim ako je uz ovu prijavu dostavio potpisan ugovor sa Poreznom upravom Federacije BiH i/ili Upravom za indirektno oporezivanje BiH o otplati duga na rate.

d) Poticajna sredstva se neće dodijeliti podnosiocu prijave koji nije opravdao utrošak dodijeljenih sredstava iz prethodnog perioda.

e) Podnosilac prijave nema pravo na poticajna grant sredstva ukoliko je po istom osnovu/programu primio poticajna grant sredstva putem Vlade Kantona Sarajevo ili neke druge institucije u FBiH, a ukoliko se naknadno utvrdi da je koristio ova sredstva iz bilo kojeg od ovih izvora, obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama. U slučaju da je podnosilac prijave ostvario pravo na poticaj po osnovu nekog od pojedinačnih programa iz Programa utroška sredstava "Poticaj razvoju male privrede" za 2021. godinu nema pravo učešća po ovom javnom pozivu.

f) Podnosilac prijave nema pravo na poticajna grant sredstva ukoliko ne dostavi izjavu kojom potvrđuje da osnivač/vlasnik i odgovorna osoba nisu pravosnažno osuđivane za kaznena djela prevare u privrednom poslovanju, davanje i primanje dara, te druga kaznena djela povezana s korupcijom.

g) Svaki subjekt kojem se isplate poticajna sredstva po pojedinom programu u odnosnom javnom pozivu dužan je omogućiti kontrolu namjenskog utroška dobijenih sredstava.

h) Ukoliko se utvrdi da je subjekt u skladu s ovim javnim pozivom ostvario pravo na temelju dostavljene neistinite dokumentacije, obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama.

I) ok da nema

j) Podnosilac prijave može ostvariti pravo na poticaj po samo jednom programu iz Javnog poziva. Po osnovu Javnog poziva može podnijeti najviše dvije prijave, tj. po jednu prijavu za najviše dva pojedinačna programa. U slučaju da subjekt podnosi dvije prijave po Javnom pozivu obavezan je u prijavi navesti koja prijava je prioriteta. Ukoliko su obje prijave formalno-pravno ispravne, Ministarstvo će razmotriti i odobriti poticaj za samo jednu prijavu prema označenom prioritetu ili redosljedu zaprimanja prijave na protokolu ukoliko u istim nije naveden prioritet. Opću dokumentaciju koja se traži Javnim pozivom, subjekt može dostaviti uz samo jednu prijavu, a obavezan je u prijavnim obrascu navesti uz koju prijavu je dostavio Opću dokumentaciju.

k) U skladu sa članom 10. Pravilnika podnosilac prijave koji do objave ovog javnog poziva nije opravdao od Ministarstva privrede dodijeljena sredstva poticaja po ranije preuzetim ugovornim obavezama, nema pravo učešća, odnosno, njegova se prijava neće razmatrati. Podnosilac prijave koji je dvije godine uzastopno, po bilo kojem programu koristio poticajna sredstva Ministarstva, nema pravo učešća u Javnom pozivu.

l) U slučaju da se u postupku izbora korisnika poticajnih sredstava po pojedinačnom programu iz ovog javnog poziva utvrdi da se po pojedinačnom programu ne može odobriti dio planiranih sredstava za taj program, taj dio sredstava može se preraspodijeliti i odobriti na one pojedinačne programe za koje planirana sredstva nisu dostatna, tj. dovoljna, shodno zaprimljenim prijavama. Odnosna preraspodjela sredstava odnosi se na sve javne pozive za izbor korisnika poticajnih sredstava po odnosnim pojedinačnim programima, koji javni pozivi se objave u 2021. godini.



### III PROGRAMI POTICAJA RAZVOJA SUBJEKATA MALE PRIVREDE

#### **1. Program: Refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja**

##### **Pravo učešća**

Pravo na dodjelu poticajnih sredstava za refundiranje/subvencioniranje dijela prihvatljivih troškova tehnološke modernizacije, uvođenja/obnavljanja standarda kvaliteta i digitalizacije poslovanja za 2019. i 2020. godinu ostvaruju subjekti male privrede definisani u skladu sa Zakonom o poticaju razvoja male privrede koji: - imaju sjedište na prostoru Kantona Sarajevo; prema Obavještenju Službe za statistiku o razvrstavanju djelatnosti prema KD 2010 obavljaju dozvoljene djelatnosti navedene u tački II a) opći uvjeti dodjele poticajnih sredstava i subvencija iz ovog javnog poziva (uz propisano ograničenje za odnosne/pojedine djelatnosti u područjima: G, M i N); imaju najmanje jednog zaposlenika na neodređeno vrijeme; subjekti koji su za 2020. godinu iskazali gubitak do 50.000,00 KM i subjekti koji su sredstva koristili za odnosne aktivnosti neophodne za obavljanje registrovane djelatnosti: kupovinu mašina, alata i opreme (osim mobilijara), tehnike (osim laptopa) koja se koristi u vremenu dužem od jedne godine, a koja nije starija od pet godina i koja je nabavljena od registrovanih poslovnih subjekata uz obavezan fiskalni račun. Ovo pravo ostvaruju i poslovni subjekti za digitalizaciju poslovanja subjekata male privrede u 2019. i 2020. godini (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.) koja je produkt registrovanih poslovnih subjekata sa sjedištem u BiH uz dostavljeni račun i obavezan fiskalni račun. Također, pravo na dodjelu poticajnih sredstava ostvaruju i subjekti male privrede za jačanje konkurentnosti kroz tehnološku modernizaciju i inovaciju poslovnih procesa, uvođenje sistema međunarodnih standarda kvalitete, te u vezi sa tim odgovarajuće konsultantske usluge i edukacije za certificiranje sistema i certificiranje proizvoda (CE znaka) i troškove stjecanja prava ili obnavljanja upotrebe: ISO, HACCP, HALAL i drugih međunarodnih standarda za 2019. i 2020. godinu. Neprihvatljivi troškovi su: kupovina zemljišta, stana, kuće; izvođenje vanjskih građevinskih radova, kupovina i/ili najam osobnih vozila, kupovina, obnova, rekonstrukcija, modernizacija objekata za najam ili prodaju, kupovina i iznajmljivanje zemljišta i nabavka opreme i mašina od lica koja nisu registrovani poslovni subjekti, te ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su prilikom sačinjavanja fotokopija prekrivene fiskalnim računom neće se smatrati prihvatljivim troškom. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, carinske deklaracije, kompenzacija i cesija ne prihvaćaju se kao dokaz o izvršenom plaćanju. U slučaju da je podnosilac prijave ostvario pravo na poticaj po osnovu nekog od pojedinačnih programa iz Programa utroška sredstava "Poticaj razvoju male privrede" za 2021. godinu nema pravo učešća po ovom javnom pozivu.

##### **Namjena utroška poticajnih grant sredstava**

Program omogućava refundiranje/subvencioniranje dijela prihvatljivih troškova, a namjena ostvarene refundacije/subvencije je: obezbjeđenje tekuće likvidnosti, produktivnije poslovanje i rast privrednih aktivnosti, nabavka osnovnih sredstava i investicije (dugoročna finansiranja) i finansiranja za trajna obrtna sredstva, na način koji omogućava stabilizaciju poslovnih subjekata, povećanje obima proizvodnje/ usluga, te obezbjeđenje novih radnih mjesta.

**Ukupan iznos sredstava za ovaj Program: 570.853,80 KM.**



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



Za provođenje ovog Programa za 2021. godinu predviđen je iznos od 570.853,80 KM. Sredstva će se dodjeljivati u iznosu do 50% priznatih prihvatljivih troškova za ove namjene, a u maksimalnom iznosu po jednom korisniku do 20.000 KM. Sredstva za subvencioniranje (refundiranje) prihvatljivih troškova po ovom programu uplaćuju se na dostavljeni račun korisnika po osnovu dostavljenih dokaza: ugovora i/ili računa uz obavezan fiskalni račun, kojima se dokazuje namjensko korištenje sredstava i dostavljenog dokaza o plaćanju ugovora i/ili računa, i drugih dokaza.

### **Uslovi i kriteriji za izbor korisnika poticajnih grant sredstava**

Kriteriji za izbor korisnika poticajnih grant sredstava za ove namjene su: vrsta djelatnosti, broj zaposlenih, povećanje zaposlenosti, orijentiranost izvozu, dostavljanje ugovora i/ili računa uz obavezan fiskalni račun, i drugih dokaza o vrijednosti kupljenih mašina, alata i opreme (osim mobilijara), tehnike (osim laptopa) koja se koristi u vremenu dužem od jedne godine, a koja nije starija od pet godina i koja je nabavljena od registrovanih poslovnih subjekata uz obavezan fiskalni račun, te zaključeni ugovori subjekata male privrede iz 2019. i 2020. godine o uvođenju sistema međunarodnih standarda kvalitete i u vezi sa tim određene konsultantske usluge ili edukacije, za digitalizaciju poslovanja subjekata male privrede koja je produkt registrovanih poslovnih subjekata sa sjedištem u BiH (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.). Podnosioci prijave su obavezni da za sve prihvatljive aktivnosti podnesu adekvatne dokaze: ugovore i/ili račune uz obavezan fiskalni račun i izvode iz banke o plaćenim troškovima, te za uvođenje i certificiranje kvaliteta, i druge standarde EU dostave dokaze o posjedovanju sertifikata izdatog od ovlaštene certifikacijske organizacije u 2019. i 2020. godini; imaju dokaz o obnovljenom standardu u 2019. i 2020. godini; imaju osiguran CE znak u 2019. i 2020. godini ili posjeduju Tehnički fajl – dosije (naslovna strana) sa svim pripadajućim procedurama, uputstvima i zapisima za osiguranje kvalitete proizvoda i podnesu dokaze o izvršenim uslugama. Prednost prilikom izbora korisnika poticajnih sredstava imaju subjekti koji se bave proizvodnom djelatnošću, izvozno orijentisani subjekti (više od 50% prihoda na stranim tržištima), subjekti koji u prijavi navedu da će obezbijediti zaposlenje jedne osobe na period od 12 mjeseci uz uslov da prijie zaključenja ugovora dostave odgovarajuću prihvatljivu garanciju).

## **2. Program: Poticaj razvoja ženskog preduzetništva**

### **Pravo učešća**

Pravo na dodjelu poticajnih sredstava za subvencioniranje dijela troškova nastalih u 2019. i 2020. godini ostvaruju pravna i fizička lica koja trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Zakonom, sa sjedištem na području Kantona Sarajevo i koji su u većinskom (minimalno 51%) privatnom vlasništvu žena državljanke Bosne i Hercegovine, zapošljavaju najmanje 2 (dva) radnika uključujući i vlasnicu, a koji na tržištu djeluju najmanje godinu dana i koji su usmjereni na proizvodnju i plasman vlastitih, izvornih proizvoda i usluga. Pravo ostvaruju subjekti male privrede koji prema Obavještenju Službe za statistiku o razvrstavanju djelatnosti prema KD 2010 obavljaju dozvoljene djelatnosti navedene u tački II a) opći uvjeti dodjele poticajnih sredstava i subvencija iz ovog javnog poziva (uz propisano ograničenje za odnosne/pojedine djelatnosti u područjima: G, M i N) i koji su za 2020. godinu iskazali gubitak do 50.000,00 KM, a koji pravo na poticajna sredstva za subvencioniranje (refundiranje) dijela plaćenih troškova u 2019. i 2020. godini ostvaruju za sljedeće aktivnosti: nabavku mašina, postrojenja, alata i opreme (osim mobilijara), tehnike (osim laptopa) koja se koristi



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



u vremenu dužem od jedne godine, te za unutrašnje uređenje poslovnog prostora u cilju prilagođavanja novim poslovima; ulaganje u razvoj i nabavu novih tehnologija; ulaganje u povećanje postojećih proizvodnih kapaciteta i usluga, troškove zakupa poslovnog prostora, te dokažu da su sredstva koristili za te namjene. Pravo ne mogu ostvariti subjekti koji su za istu namjenu u podnesenoj prijavi ostvarili subvenciju, donaciju ili drugi vid finansijske pomoći. U slučaju da je podnosilac prijave ostvario pravo na poticaj po osnovu nekog od pojedinačnih programa iz Programa utroška sredstava "Poticaj razvoju male privrede" za 2021. godinu nema pravo učešća po ovom javnom pozivu.

### **Namjena utroška poticajnih grant sredstava**

Ovim Programom obezbjeđuju se poticajna sredstva poslovnim subjektima koji su u većinskom (minimalno 51%) vlasništvu žena državljanke Bosne i Hercegovine za subvencioniranje (refundiranje) prihvatljivih troškova u periodu od 01.01.2019. godine do 31.12.2020. godine sa ciljem da se poslovnim subjektima kojima se odobre poticajna sredstva iz ovog programa omogući ekonomska održivost i stabilnost poslovanja, prevazilaženje negativnih učinaka ekonomske krize, pokretanje nove i/ili održavanje postojeće djelatnosti, održavanje postojećih radnih mjesta, novo upošljavanje i obezbjeđenje redovnog tekućeg poslovanja.

### **Ukupan iznos sredstava za ovaj Program: 415.309,75 KM**

Za provođenje ovog Programa u 2021. godinu planirani iznos sredstava je ukupno 415.309,75 KM. Sredstva za subvencioniranje/refundiranje dijela prihvatljivih troškova u visini do 50% troškova uplaćuju se na račune korisnika po osnovu dostavljenih računa kojima se dokazuje prihvatljivo korištenje sredstava i dostavljenog dokaza o plaćanju istih računa (izvod iz banke). Minimalni iznos prihvatljivih troškova je 5.000,00 KM, a maksimalan iznos poticaja najviše do 15.000,00 KM. Osnov za dodjelu poticaja su prihvatljivi troškova od 01.01.2019. godine do 31.12.2020. godine.

### **Uslovi i kriteriji za izbor korisnika poticajnih sredstava**

Izbor korisnika poticajnih sredstava vrši se na osnovu: dostavljenih prihvatljivih ugovora i/ili računa uz obavezno dostavljanje fiskalnih računa o svim prihvatljivim troškovima i dostavljenih dokaza o plaćanju (izvod iz banke) prihvatljivih troškova i to: nabavka mašina, alata i opreme (osim mobilijara) i tehnike (osim laptopa) koja nije starija od pet godina i koja je nabavljena od registrovanih poslovnih subjekata, izvedenim unutrašnjim radovima i utrošenim sredstvima za koja se traži subvencija (refundiranje) dijela troškova uz obavezan fiskalni račun, izvedenim unutrašnjim radovima i utrošenim sredstvima za koja se traži subvencija (refundiranje) dijela troškova uz obavezan fiskalni račun i dostavljeni dokaz o plaćanju (izvod iz banke) za svaki namjenski trošak po osnovu kojeg je podnesena prijava, te po mogućnosti fotodokumentaciju mašina, postrojenja, opreme koja je nabavljena ili prostora koji je uređen. Prednost prilikom izbora korisnika poticajnih sredstava imaju subjekti koji se bave proizvodnom djelatnošću, izvozno orijentisani subjekti (više od 50% prihoda na stranim tržištima), subjekti koji u prijavi navedu da će obezbijediti zaposlenje jedne osobe na period od 12 mjeseci uz uslov da prije zaključenja ugovora dostave odgovarajuću prihvatljivu garanciju. **Neprihvatljivi troškovi su:** kupovina zemljišta, stana/kuće, vanjski građevinski radovi i nabavka, kupovina i najam svih vrsta osobnih vozila, vanjski građevinski radovi, troškovi električne energije, vode i drugi komunalni troškovi, troškovi repromaterijala, opreme, usluga i radova koje isporučuju ili obavljaju partnerski i subjekti povezani s podnosiocem prijave, te ostali troškovi koji nisu navedeni kao prihvatljivi. Računi na kojima nisu jasno vidljive sve specificirane stavke ili su prilikom sačinjavanja fotokopija prekrivene fiskalnim računom neće



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



se smatrati prihvatljivim troškom. Također, dostavljene ponude, predračuni i troškovnici ne predstavljaju prihvatljiv dokaz o namjenskom trošenju sredstava. Nalog za plaćanje, carinske deklaracije, kompenzacija i cesija ne prihvaćaju se kao dokaz o izvršenom plaćanju. U slučaju da je podnosilac prijave ostvario pravo na poticaj po osnovu nekog od pojedinačnih programa iz Programa utroška sredstava "Poticaj razvoju male privrede" za 2021. godinu nema pravo učešća po ovom javnom pozivu.

#### IV SADRŽAJ PRIJAVE

U skladu sa članom 7. Pravilnika, prijava će biti predmet razmatranja ukoliko je blagovremeno dostavljena i ukoliko sadrži sljedeće: uredno popunjen, od strane ovlaštenog lica potpisan i pečatom ovjeren prijavni obrazac za odnosni program; opću dokumentaciju i posebnu dokumentaciju u skladu sa odnosnim programom iz ovog javnog poziva, te ostale priloge zahtjevane odnosnim programom iz ovog javnog poziva, a za koji se predmetna prijava podnosi.

**a)** Prijavni obrazac za odnosni program iz ovog javnog poziva može se preuzeti direktno na web stranici Ministarstva privrede <http://mp.ks.gov.ba/>. Podnosilac prijave obavezno popunjava sve rubrike prijavnog obrasca i odgovara za vjerodostojnost svih navedenih podataka.

#### **b) DOKUMENTACIJA**

Ova dokumentacija podrazumjeva obaveznu dokumentaciju koju dostavljaju podnosioci prijave i ista se sastoji od opće dokumentacije koju podnose svi podnosioci prijave i posebne dokumentacije za svaki pojedinačni program iz ovog javnog poziva.

##### **b.1 - Opća dokumentacija:**

- a) Rješenje o registraciji (izdato od nadležnog organa);
- b) Uvjerenje o poreznoj registraciji pravnog lica, izdato od strane Porezne uprave Federacije BiH (ID broj);
- c) Uvjerenje o registraciji/upisu pravnog lica u Jedinostveni registar obveznika indirektnih poreza izdato od Uprave za indirektno-neizravno oporezivanje BiH (PDV broj);
- d) Obavještenje o razvrstavanju pravnog lica prema klasifikaciji djelatnosti KD BiH 2010;
- e) Izvještaj o finansijskom poslovanju (ovjeren bilans stanja i bilans uspjeha za 2020. godinu) ili ovjereni Specifikacija za utvrđivanje dohotka od samostalne djelatnosti SPR – 1053 i ovjereni Godišnja prijava poreza na dohodak za 2020. godinu;
- f) Uvjerenje Porezne uprave Federacije Bosne i Hercegovine o izmirenim obavezama po osnovu poreza i doprinosa ne starije od 60 dana od dana objave ovog javnog poziva **sa obaveznim prilogom - Lista osiguranih za obveznika;**
- g) Uvjerenje o izmirenim indirektnim porezima izdato od Uprave za indirektno oporezivanje, ne starije od 60 dana od dana objave javnog poziva;
- h) Izjava u originalu ovjereni pečatom i potpisana od ovlaštene osobe subjekta o namjenskom utrošku sredstava u skladu sa ovim programom i da po istom osnovu nisu odobravana sredstva iz Budžeta Kantona ili drugog izvora FBiH;
- i) Izjava u originalu na memorandumu kompanije ovjereni pečatom i potpisana od ovlaštene osobe da je podnosilac prijave saglasan da rezultat javnog poziva bude objavljen na web stranici Ministarstva privrede Kantona Sarajevo;



- j) Ugovor o otvorenom transakcijskom računu podnosioca prijave – subjekta kod banke;
- k) Izjava ovlaštenog lica za zastupanje podnosioca prijave - subjekta male privrede, ovjerena od nadležnog organa (općina/notar), a kojom izjavom pod punom moralnom, materijalnom i krivičnom odgovornošću ovo lice potvrđuje da se protiv njega ne vodi krivični postupak, kao i da nije osuđivan za kaznena djela i prekršaj i
- l) Na zahtjev Ministarstva privrede druga relevantna dokumentacija.

#### **Napomena:**

Opća dokumentacija dostavlja se u originalu ili od strane odgovarajuće finansijske institucije, nadležnog tijela uprave ili notara ovjerenim fotokopijama ne starijim od tri mjeseca, računajući od dana objave Obavještenja o ovom javnom pozivu u "Službenim novinama Kantona Sarajevo", osim ako je posebno navedeno za odnosni dokument. Prednje se ne odnosi jedino na: Rješenje o registraciji poslovnog subjekta, uvjerenje o poreznoj registraciji i uvjerenje o registraciji PDV obveznika.

#### **b.2 - Posebna dokumentacija:**

Podrazumjeva traženu/potrebnu dokumentaciju koju dostavljaju subjekti male privrede (podnosioci prijave) po svakom pojedinačnom Programu, uz prijavni obrazac i opću dokumentaciju. Prijava koja ne sadrži posebnu dokumentaciju (priloge) koji se zahtijevaju za svaki pojedinačni program iz ovog Javnog poziva se zbog neispunjavanja formalno-pravnih uslova odbacuje.

#### **1. Program: Refundiranje troškova tehnološke modernizacije, uvođenja/obnavljanja standarda kvaliteta i digitalizacije poslovanja**

- a) Za jačanje konkurentnosti, tehnološku modernizaciju, modernizaciju poslovnih procesa (kupovina mašina i opreme), uvođenje/obnavljanje standarda kvaliteta, digitalizacije poslovanja i u vezi sa tim za odgovarajuće konsultantske usluge i edukacije za certificiranje sistema i certificiranje proizvoda (CE znaka) i troškove stjecanja prava ili obnavljanja upotrebe: ISO, HACCP, HALAL i drugih međunarodnih standarda za 2019. i 2020. godinu obavezno se dostavlja ugovor (original ili fotokopija ovjerena od strane nadležnog organa) i/ili račun (jasno vidljiv sa svim navedenim stavkama na računu) uz obavezan fiskalni račun i izvod banke kojima se dokazuje da je izvršeno plaćanje za predmetnu namjenu po dostavljenim ugovorima ili računima, te drugi relevantni dokazi po osnovu kojih je tražen poticaj. Računi na kojima nisu jasno vidljive sve specificirane stavke ili su prilikom sačinjavanja fotokopija prekrivene fiskalnim računom neće se smatrati prihvatljivim troškom;
- b) Ugovor sa certifikacijskom ustanovom (original ili fotokopija ovjerena od strane nadležnog organa) za predmetni certifikat uvođenja međunarodnih standarda (ISO, HACCP, HALAL; i drugih međunarodnih standarda) i računi uz obavezan fiskalni račun i izvod banke kojim se dokazuje da je izvršeno plaćanje za predmetnu namjenu;
- c) Naslovna strana i sadržaj Tehničkog fajla (korisnik mora posjedovati kompletan Tehnički fajl - dosije sa svim pripadajućim procedurama, uputstvima i zapisima za osiguranje kvalitete proizvoda koji se zbog obimnosti ne mora dostavljati kompletan, nego samo navedeni dio s tim da je korisnik po zahtjevu Ministarstva obavezan dostaviti kompletan Tehnički fajl; i





d) Po eventualnom zahtjevu Ministarstva privrede druga relevantna dokumentacija, kojom se dokazuje namjensko korištenje sredstava.

## **2. Program: Poticaj razvoja ženskog preduzetništva**

a) Ugovor (ovjeren od strane nadležnog organa) kojim se dokazuje korištenje sredstava za prihvatljive troškove po ovom programu i/ili račun (jasno vidljiv sa svim navedenim stavkama na računu uz obavezan fiskalni račun i izvod/i banke kojima se dokazuje da je izvršeno plaćanje prihvatljivih troškova po dostavljenim ugovorima i/ili računima, te drugi relevantni dokazi po osnovu kojih je tražen poticaj. Računi na kojima nisu jasno vidljive sve specificirane stavke ili su prilikom sačinjavanja fotokopija prekrivene fiskalnim računom neće se smatrati prihvatljivim troškom;

b) Fotodokumentaciju mašina, postrojenja, opreme koja je nabavljena ili prostora koji je uređen; i

c) Po eventualnom zahtjevu Ministarstva privrede druga relevantna dokumentacija, kojom se dokazuje namjensko korištenje sredstava po ovom programu.

### **Napomena:**

Posebna dokumentacija (računi i prateći fiskalni računi, te izvodi banke kojima se dokazuje da je izvršeno plaćanje za predmetnu namjenu po dostavljenim računima/ugovorima) za pojedinačne programe iz ovog javnog poziva obavezno se ovjeravaju pečatom subjekta - podnosioca prijave.

## **V ROK ZA PODNOŠENJE PRIJAVA**

Rok za dostavljanje prijave je 30 (trideset) dana od dana objave Obavještenja o Javnom pozivu u "Službenim novinama Kantona Sarajevo". Prijave primljene nakon isteka roka neće biti uzete u razmatranje. Javni poziv i prijavni obrazac za svaki pojedinačni program iz ovog javnog poziva objavljeni su na web stranici Ministarstva <http://mp.ks.gov.ba/>.

## **VI MJESTO I NAČIN PODNOŠENJA PRIJAVA**

Po osnovu ovog javnog poziva, podnosilac prijave (subjekt) može ostvariti pravo na poticaj po samo jednom pojedinačnom programu. Subjekt može podnijeti dvije prijave, tj. po jednu prijavu za svaki pojedinačni program. U slučaju da subjekt podnosi prijave po oba pojedinačna programa iz Programa utroška sredstava "Poticaj razvoju male privrede" za 2021. godinu, obavezan je u prijavama navesti koja prijava je prioritetna. Nije dozvoljeno dostavljanje dvije prijave u jednoj zatvorenoj koverti. Pojedinačne prijave se za svaki pojedinačni program iz ovog javnog poziva podnose u zatvorenoj koverti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - po Javnom pozivu za Program: \_\_\_\_\_ (obavezno navesti naziv Programa po kojem se podnosi prijava). Na poleđini koverta obavezno se navodi: naziv podnosioca prijave, adresa, kontakt telefon, te se ovjerava pečatom.

## **VII KRITERIJI, OCJENA I IZBOR KORISNIKA**

Kriteriji za izbor korisnika poticajnih grant sredstava utvrđeni su Pravilnikom, Programom utroška sredstava i odnosnim programom iz javnog poziva. Ministarstvo privrede imenuje komisiju koja provodi postupak po ovom javnom pozivu, sačinjava preliminarni prijedlog korisnika



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



poticajnih sredstava i iznose ovih sredstava, sa obrazloženjem za svakog korisnika i za svaki pojedini program, te isti objavljuje na web stranici Ministarstva privrede i Oglasnoj ploči Kantona Sarajevo. Podnosilac prijave po Javnom pozivu, u cilju zaštite svojih prava, može dostaviti pisani prigovor Ministarstvu, u roku od osam dana od dana objave preliminarnog prijedloga. Po prigovoru rješava Ministarstvo, najkasnije u roku od 15 dana. Odmah nakon rješavanja svih prigovora ili odmah nakon isteka roka ako ovi prigovori nisu dostavljeni u ovom roku, komisija sačinjava prijedlog korisnika poticajnih sredstava sa iznosom ovih sredstava. Na osnovu dostavljenog prijedloga, utvrđuje se prijedlog odluke o izboru korisnika poticajnih sredstava sa iznosom ovih sredstava, a odluku na prijedlog ovog Ministarstva donosi Vlada Kantona Sarajevo.

## VIII OSTALE ODREDBE

Ministarstvo privrede sa odabranim korisnicima zaključuje ugovor, nakon čega se sredstva doznačavaju na dostavljene račune korisnika. U skladu sa ugovorom korisnici sredstava dužni su u roku i na način propisan ugovorom za sve aktivnosti dostaviti Izvještaj sa traženim dokazima o namjenskom utrošku sredstava doznačenih iz budžeta. Podnosilac prijave, tj. korisnik je obavezan da se prilikom implementacije sredstava pridržava svih pozitivnih zakonskih propisa koji se primjenjuju u Bosni i Hercegovini, Federaciji Bosne i Hercegovine i Kantonu Sarajevo, a Ministarstvo privrede se obavezuje da vrši nadzor nad provođenjem ugovornih obaveza iz ovog Ugovora, uvidom u odnosnu dokumentaciju u vlastitim prostorijama i kod Korisnika sredstava, a u slučaju potrebe i uvidom u podatke pribavljene službenim putem od strane odnosnog nadležnog organa. Ministarstvo privrede pri vršenju nadzora poduzima mjere iz svoje nadležnosti, a u slučaju kada činjenično utvrdi razlog za poduzimanje odnosne mjere ili utvrdi postojanje osnovane sumnje da postoji krivična odgovornost određenog lica, u njegovom postupanju prije i nakon zaključenja Ugovora, ovo ministarstvo će bez odgađanja pokrenuti postupak utvrđivanja krivične odgovornosti tog lica. Ministarstvo privrede zadržava pravo da u postupku po ovom javnom pozivu programe/projekte podnosioca prijave prihvati u cijelosti, djelomično, ili da ih odbije, te da poništi Javni poziv, ili da odbaci sve programe/projekte, u bilo koje vrijeme prije zaključenja ugovora. Ministarstvo privrede ne snosi odgovornost prema učesnicima Javnog poziva, u pogledu aktivnosti koje su preduzeli u cilju podnošenja prijave za određeni program. Prispjela dokumentacija se ne vraća podnosiocu prijave.

Napomena: Za davanje dodatnih informacija po određenim pitanjima iz ovog javnog poziva, usmeni zahtjev se može podnijeti putem telefona: 033/562-117 ili 033/562-137, svakim radnom danom od 10:00 do 12:00 sati ili elektronskim putem na e-mail adresu: [mp@mp.ks.gov.ba](mailto:mp@mp.ks.gov.ba), a po ovom zahtjevu Ministarstvo privrede KS će dati blagovremen odgovor putem telefona ili e-maila.

**MINISTAR**

**Adnan Delić**



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

